



KEMENTERIAN PERDAGANGAN DALAM NEGERI
DAN KOS SARA HIDUP

TEKS UCAPAN

YANG BERHORMAT SENATOR PUAN HAJAH FUZIAH BINTI SALLEH
TIMBALAN MENTERI PERDAGANGAN DALAM NEGERI
DAN KOS SARA HIDUP

SEMPENA

**PELANCARAN PROGRAM FOODBANK WAKAF RAHMAH &
PENYERAHAN TATACARA PENGURUSAN ASET WAKAF ALIH DARI
YAYASAN WAKAF MALAYSIA (YWM) KEPADA KPDN DAN HOTEL
MARRIOTT PUTRAJAYA**

PADA

21 MAC 2023 (SELASA) – 12.30 TENGAH HARI

TEMPAT

**RUANG CONCOURSE, PUTRAJAYA MARRIOTT HOTEL
PUTRAJAYA**

Assalamualaikum WBT, Salam Sejahtera dan Salam Malaysia

Madani,

Yang Berbahagia Datuk Roziah binti Abudin

Timbalan Ketua Setiausaha, KPDN (Pembangunan Perdagangan Dalam Negeri)

Yang Berbahagia Datin Roszanina binti Wahab

Timbalan Ketua Setiausaha (Pendayaupayaan Pengguna & Pengurusan)

Kementerian Perdagangan Dalam Negeri dan Kos Sara Hidup

Yang Berbahagia Datuk Azman bin Adam

Ketua Pengarah Bahagian Penguat Kuasa

Kementerian Perdagangan Dalam Negeri dan Kos Sara Hidup

Yang Berusaha Encik Kumar Renoo

Pengurus Besar, IOI Properties Group Berhad

Pegawai-Pegawai Kanan Kementerian dan Agensi Kerajaan

Pengurus Besar Hotel, Para Penyumbang, dan Barisan Media yang dihormati sekalian

PENDAHULUAN

1. Alhamdulillah, syukur ke hadrat Allah SWT kerana kita semua dapat berkumpul bagi menjayakan **Pelancaran Program Foodbank Wakaf Rahmah & Penyerahan Tatacara Pengurusan Aset Wakaf Alih Dari Yayasan Wakaf Malaysia (YWM) Kepada KPDN Dan Hotel Marriot Putrajaya** pada hari ini.
2. Terlebih dahulu, saya ingin mengucapkan terima kasih kepada semua yang hadir pada hari ini.

Hadirin yang dihormati sekalian,

3. Program Food Bank Malaysia (PFBM) ini adalah salah satu inisiatif yang dilaksanakan oleh Kerajaan bertujuan untuk membantu meringankan kos sara hidup rakyat selain dapat mengurangkan pembaziran makanan.
4. PFBM ini telah rasmi dilancarkan di peringkat kebangsaan pada 22 Disember 2018 di Kompleks Penyayang, Pulau Pinang. Sejak Ogos 2018 sehingga Februari 2023, seramai 704,922 ahli isi rumah telah berjaya mendapat manfaat daripada program ini.

Hadirin yang dihormati sekalian,

5. Terlebih dahulu, saya ingin **mengucapkan terima kasih kepada salah satu Rakan Strategik KPDN kita iaitu Putrajaya Marriot Hotel** kerana sudi menjemput saya bersama-sama hadir pada tengah hari ini.
6. Saya juga ingin merakamkan ucapan terima kasih kepada semua NGO Program Food Bank Malaysia yang turut hadir pada hari ini dan menghargai komitmen yang ditunjukkan oleh SnapGo dalam menggerakkan inisiatif program food bank.
7. Sepertimana kita sedia maklum, Program Food Bank Malaysia (PFBM) adalah salah satu inisiatif yang dilaksanakan oleh Kerajaan bertujuan untuk **membantu meringankan kos sara hidup rakyat selain dapat mengurangkan pembaziran makanan.**
8. Sejak **Ogos 2018** sehingga **Februari 2023**, seramai **704,922 ahli isi rumah** telah berjaya mendapat manfaat daripada Program ini. Secara tidak langsung, program ini telah berjaya menyelamatkan sebanyak **4,405 metrik tan lebihan makanan** dan merupakan **satu program yang berterusan** dan bukan bersifat sementara (*ad hoc*).

9. Untuk makluman, inisiatif Program Food Bank Malaysia ini tidak akan dapat direalisasikan tanpa jalinan kerjasama daripada para penyumbang yang sudi bersama-sama dengan Kementerian dalam usaha membantu mereka yang memerlukan. Oleh itu, pihak Kementerian mengucapkan terima kasih kepada para penyumbang yang terus komited memberikan sokongan kepada Kementerian untuk menerajui Program Food Bank Malaysia.
10. Kementerian juga amat berbesar hati dengan bantuan sumbangan yang telah disalurkan oleh para penyumbang terhadap lebih **60,000 pelajar** yang telah terkandas di **181 Institusi Pengajian Tinggi** semasa Perintah Kawalan Pergerakan (PKP) pada Mac 2020 yang lalu.
11. KPDN di bawah Program Kepenggunaan terus komited mempergiatkan usaha bagi memanfaatkan lebih makanan yang selamat untuk mengelakkan pembaziran. Teknologi pembungkusan makanan secara retort telah diperkenalkan dan merupakan satu teknologi pembungkusan makanan yang menggunakan teknik aseptik iaitu bebas dari sebarang mikroorganisme membiak. **Jangka hayat lebih makanan yang melalui proses retort ini mampu ditingkatkan antara 18 hingga 24 bulan.**

12. Untuk makluman, pelaksanaan proses pembungkusan makanan melalui retort telah dibantu oleh salah satu NGO yang berpengalaman mengendalikan mesin retort dan NGO tersebut telah memberikan latihan mengenai kaedah pembungkusan makanan secara retort. Inisiatif ini dapat membantu rakyat dan pengguna dalam memanfaatkan lebihan makanan yang masih elok dan selamat untuk dimakan daripada dibazirkan.
13. Sehingga 20 Mac 2023, Sekretariat Food Bank Malaysia di bawah KPDM telah berjaya menempatkan tiga belas **(13) mesin retort** di sepuluh **(10) buah negeri** yang melibatkan sektor perhotelan, katering dan pertanian termasuk Rakan Strategik Utama PFBM telah mendapat manfaat daripada inisiatif program ini. Sejak projek rintis ini dilaksanakan pada Mei 2021 sehingga kini, ia telah berjaya menghasilkan sebanyak **7,566 pek** makanan retort dan telah memanfaatkan golongan sasaran dan pelajar B40 bagi mengurangkan beban kos sara hidup di kampus.
14. **Untuk makluman, pada 6 Mac 2023, Yayasan Waqaf Malaysia telah menyumbang dan memasang sebuah mesin pembungkusan makanan retort di Putrajaya Hotel Marriott khusus untuk kegunaan pelajar-pelajar UNITEN Bangi.** Sehubungan dengan itu, sektor ini melihat inisiatif melalui proses pembungkusan secara retort ini mampu

membantu pengusaha-pengusaha hotel untuk menguruskan lebih makanan secara lebih sistematik memanfaatkan golongan pengguna dan penerima.

FOOD BANK WAKAF RAHMAH

15. Food Bank Wakaf Rahmah di UNITEN adalah berbeza dengan IPT yang lain. Baik, mari kita fahami dahulu **bagaimana ekosistem Food Bank Wakaf Rahmah itu terjadi:**

- a. Kita ada KPDN yang menguruskan Food Bank;
- b. Kita ada penerima di IPT di seluruh Malaysia (iaitu anak-anak siswa);
- c. Kita ada Yayasan Wakaf yang menyumbang mesin retort (pemproses makanan “ready to eat” yang tidak perlu disimpan di dalam peti dan boleh bertahan selama 2 tahun di rak biasa);
- d. Kita ada hotel yang mempunyai lebih makanan yang tidak disentuh;
- e. Kita ada Akta Perlindungan Penderma Makanan 2020 (yang akan menjadi jaminan kepada hotel yang sanggup memberikan lebih makanan tadi); dan
- f. Kita ada penyumbang yang sudi menjadi rakan strategik seperti yang sebutkan tadi;

16. Semuanya ini kita gabungkan menjadi satu ekosistem yang saling melengkapi antara satu sama lain untuk ia kekal mampan dalam tempoh yang lama. Ada pemberi, ada penerima, ada akta, ada pengurus dan ada dananya **diterima daripada Yayasan Wakaf sebanyak RM40,000 untuk membeli mesin retort yang sebelum ini menggunakan dana kerajaan.** Ini Bermakna KPDN telah membuat penjimatan bagi pelaksanaan Food Bank Siswa sebanyak RM40,000 untuk kos pembungkusan makanan yang hendak diedarkan. **Bayangkan jika wakaf rahmah ini berjaya membuat penjimatan di aspek ini hanya untuk satu universiti / IPT, maka saya percaya lebih banyak lagi kejayaan wakaf yang akan tercetus dengan model sebegini.**
17. **Justeru itu, saya ingin membuat pengumuman, Kementerian melancarkan tabung wakaf untuk pembelian mesin retort untuk membolehkan orang ramai turut sama membantu Kementerian menjayakan FoodBank Wakaf Rahmah.**
18. Saya fikir agenda yang sangat baik ini dapat diteruskan lagi dengan kita menyeru lebih ramai lagi penyumbang termasuklah wakil-wakil industri perhotelan, ayuh bersama kami untuk kita berganding bahu memberikan rahmah dan kasih sayang kepada rakyat. Jangan takut nak berkongsi kerana kita ada akta

yang akan melindungi penyumbang makanan, jangan takut tidak mendapat pulangan kerana kita ada perlepasan cukai melalui Yayasan yang sudi memberikan bantuan. Ayuh bersama kita berganding bahu merapatkan saff untuk Malaysia Madani, yang lebih baik untuk didiami oleh anak dan cucu cicit kita di masa akan datang.

19. Kementerian akan terus komited melalui kerjasama strategik dengan pelbagai pihak untuk melaksanakan penambahbaikan terhadap Inisiatif ini agar pelaksanaannya dapat diuruskan dengan lebih baik dan berkesan.
20. Selain itu, bagi menggalakkan penglibatan lebih ramai penyumbang dalam program ini, Kementerian juga telah memperkenalkan **Akta Perlindungan Makanan 2020 (AKPM2020)** yang telah diwartakan pada **13 Mac 2020** yang bertujuan melindungi serta meredakan kebimbangan penderma-penderma, terutamanya pihak industri terhadap risiko tindakan undang-undang sekiranya berlaku perkara yang tidak diingini sekaligus menggalakkan sumbangan makanan.
21. Diharap melalui pengenalan Akta ini memberi keyakinan dan galakan kepada para penyumbang untuk terlibat secara aktif dalam Program Food Bank. Sepertimana YB, YBhg. Dato'/Tuan/Puan sedia maklum, KPDM bertanggungjawab

dalam mengawal selia sektor perdagangan pengedaran di Malaysia. Dalam hubungan ini, kita mempunyai rakan strategik yang besar dari pelbagai sektor terutamanya yang melibatkan industri peruncitan termasuk pasaraya besar (*hypermarket*) dan pasaraya rangkaian (*chained store*).

22. Pada masa ini, kerjasama telah dijalankan bersama-sama rakan strategik melalui Program Food Bank Malaysia (PFBM) bagi membantu golongan kurang berkemampuan untuk mendapatkan makanan dan meringankan kos sara hidup.
23. Melalui PFBM, rakan strategik menyumbang lebih barangan seperti barangan makanan dan barangan keperluan harian kepada kumpulan sasar. Sumbangan PFBM ini disalurkan mengikut keperluan serta permintaan dari semasa ke semasa.
24. Akhir sekali, saya ingin mengambil kesempatan untuk merakamkan ucapan terima kasih kepada **YB, YBhg. Datuk KSU/TKSU dan semua pihak yang menyokong pelaksanaan program FOODBANK WAKAF RAHMAH ini. Semoga usaha ini mendapat keberkatan ALLAH SWT jua.**

Sekian, terima kasih.